



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

IX. Confirmatio quarumdam Constitutionum Minorum Conventualium
Sancti Francisci.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

fore, suosque plenarios, & integros effectus for-
tiri, & obtinere, ac ab illis, ad quos spectat, &
pro tempore quodcumque spectabit, inviola-
biliter observari, necnon dictæ Congregationi,
eiusque Eremitis in omnibus, & per omnia ple-
nissime suffragari; sique in præmissis per quol-
cumque Judices ordinarios, & delegatos, etiam
causarum Palatii Auditores judicari, & definiri
debere; ac irritum, & inane, si quid secus super
his a quoquam quavis autoritate scienter, vel
ignoranter contigerit attentari.

Contrariis
derog.

§. 4. Non obstantibus Apostolicis, ac in Uni-
versalibus, Provincialibusque, & Synodalibus
Conciliis editis generalibus, vel specialibus Con-
stitutionibus, & Ordinationibus, necnon quibus-
vis etiam juramento, confirmatione Apostolica,
vel quavis firmitate alia roboratis statutis, & con-
suetudinibus, privilegiis quoque, indultis, & li-
teris Apostolicis in contrarium præmissorum quo-
modolibet concessis, confirmatis, & innovatis.
Quibus omnibus, & singulis, illorum tenores
præsentibus pro plene, & sufficienter expressis, &
insertis habentes, illis alias in suo robore per-
manfuris ad præmissorum effectum hac vice
dumtaxat specialiter, & expresse derogamus,
cæterisque contrariis quibuscumque.

Transumpto-
rum fides.

§. 5. Volumus autem, ut earumdem præsen-
tium literarum transumptis, seu exemplis etiam
impressis, manu alicujus Notarii publici subscrip-
tis, & sigillo personæ in Ecclesiastica dignitate
constitutæ munitis, eadem prorsus fides tam in
iudicio, quam extra illud habeatur, quæ habe-
retur ipsi præsentibus, si forent exhibitæ, vel
ostensæ.

Dat. An. r.
die 6. August.

Datum Romæ apud S. Mariam Majoræ, sub
Annulo Piscatoris die 6. Augusti 1670. Pontifi-
catus Nostri Anno Primo.

I. G. Slufius.

Registrata in Secretaria lib. Brev. Mensis Sep-
tembris fol. 304.

IX.
Edita An. D.
1670.

Confirmatio quorundam Decretorum Ordinis
Fratrum Minorum S. Francisci Conventualium
in Congregatione generali dicti Ordinis anno
1668. editorum, cum insertione eorumdem
Decretorum.

Antea non
impressa.

CLEMENS PAPA X.

Ad futuram rei memoriam.

Exordium.

EXponi nobis nuper fecit dilectus filius Jo-
annes Bernardinus à S. Elpidio Procurator Ge-
neralis Ordinis Fratrum Minorum S. Francisci
Conventualium nuncupatorum, quod in Con-
gregatione generali d. Ordinis anno 1668. habita
pro felici, prosperoque ejusdem Ordinis regimine,
& gubernio edita fuerunt nonnulla Decreta
tenoris, qui sequitur, videlicet.

Decreta Congregationis Generalis Ordinis Minorum
Conventualium a die 17. Maji convocata.

Varia Decreta
Capituli
Generalis.

GENERale diffinitorium, præsidente Reveren-
diss. P. Magistro Andrea Bino ab Hispello
ejusdem Ordinis Ministro Generali, conferentis
iteratis, quæ nocitura, quæve profutura Ordini
pervestigans, infra scripta edidit Decreta SS. D. N.
Papæ humiliter exhibenda, ut Apostolica auc-
toritate, Urbanisque Constitutionibus inserta,
Fratres omnes ad intactam eorum observantiam
tenacius adstringerent.

Ad Provinciales Ministros.

Quoad Mini-
stros Provin-
ciales.

§. 1. Ministros Provinciales in quibuscumque
suarum Provinciarum Conventibus, etiam de
mensa Rmæ, ordinariam habere jurisdictionem

tempore visitationis, & extra, posseque ordina-
tiones ferre, & fratres omnes quocumque gradu
possent, ad eorum observantiam compellere,
dummodo in Conventibus ipsi Ministro Generali
immediate subjectis, inconsulto Ministro gene-
rali, non ferant sententiam, sancitum est. Tene-
ri insuper Guardianos, de mensa, Ministros Pro-
vinciales per eorum Conventus transeuntes om-
nibus charitatis officiis prosequi, & Conventuum
expensis perbenigne tractare.

Ad Provinciales Titulares.

§. 2. Hujusmodi Provincialatus Titulares illis
deinceps conferantur (habita Provinciarum dis-
cretione,) qui cunctis conditionibus in Urb.
Constitutione expressis, decorati fuerint. Et ut
talis collatio fiat dumtaxat à Diffinitorio generali
in Capitulis, seu Congregationibus generalibus
per schedulas, & secreta suffragia decernimus
Quod si aliquem ex Titularibus infra triennium
decedere, vel aliqua ex causa Officio privati con-
tingerit, tunc Generalis Minister, adhibito Assis-
tentium consilio, alium ejus loco sufficiat.

Quoad Pro-
vinciales ti-
tulares.

Ad Guardianos, & locales superiores.

§. 3. Quicumque in superiorem localem seu
Guardianum electus fuerit, & injunctum onus
suscipere recusans, eidem renunciaverit, ad cæ-
tera Officia per triennium inhabilis esto, nulla-
que admittatur excusatio, nisi ex urgenti causa
approbata. Teneantur vero Guardiani omnes,
advenarum fratrum obedientiales literas propriis
oculis examinare, & itineris causam diligenter
perferutari. Si quem tamen deprehenderit sine
legitimis suorum superiorum literis, carceribus
mancipent, superioresque illos quamcunq; admo-
neant. Si secus fecerint, officio suo priventur.

Quoad Guar-
dianos, & lo-
cales superio-
res.

Ad Regentes, & Lectores.

§. 4. Ut virtus decenti præmio irrigata, pul-
chrius, & amcenius revirescat, statuimus Gym-
nasia primæ classis, quæ ab Urban. Constitutione
assignantur; nimirum Venetum, Panormita-
num, Mediolanense, Ferrariense, Perusinum,
Florentinum, Viennense, Januense, & Leopoli-
ense haberi deinceps debere pro Collegiis, itant
Regentes, qui per novem continuos annos in
aliis Gymnasis tertix, secundæ, & primæ classis
insudarunt, promoti postea ad prædictas Regen-
tias, ad Collegia intelligantur assumpti, ut in
posterum frequens Regentium numerus incepto
cursu non privetur, & illi, qui expressis sudori-
bus per tot annos defatigarunt, ad Bravium
Paternitatis comprehendendum, faciliorem ha-
beant accessum. Teneantur tamen singuli Re-
gentes tractatum unum ad minus quolibet anno
suis Auditoribus explanare, & complete finire.
Insuper, & disputationes, & (ut ajunt) *circulos*
tribus in hebdomada vicibus ad horam protra-
hentos habere. Quod si non fecerint, atque
authenticam fidem à Guardiano Conventus sub-
scriptam de completa lectura, habitisque dispu-
tationibus, non ostenderit, non posse eis suffi-
cere ad Provinciæ Paternitatem, immo si maxima
super hoc remissio deprehendatur, lectura etiam
ipsa privandos esse statuimus.

Quoad Re-
gentes, &
Lectores.

Ad Diffinitores perpetuos.

§. 5. Omnes perpetui Diffinitores, & Pro-
vinciarum Patres à Generali Ministro per paten-
tes instituti, atque Provinciarum Diffinitorii
approbati, & recepti, suffragium ferant (ut in
Urban. Constitutione præscribitur) in quibus-
cumque electionibus, seu Capituli, seu Congre-
gationis, cum pro illis certus numerus præscribi
non possit: quod alias attentatum plurimarum
fuit causa perturbationum, & a laboribus pro
Religione obeundis, multi etiam ex cordatis ani-

Quoad Diffi-
nitores per-
petuos.

mos deflexerunt. Ideo statuitur, ut in futuro Capitulo generali revideantur Patentes, & requisita illorum, qui non adhuc convenerunt, in Diffinitorio, seu Congregatione, & solum admittantur illi in Diffinitorium, seu Congregationem ad votum ferendum, qui inventi fuerint cum debitis requisitis. Illegitimi autem talibus indecorati præscriptis, ab ingressu solum Diffinitorii excludantur, remanentes in primævo statu circa prærogativas, & præcedentiam, sicque in qualibet Provincia Catalogus fiat eorum Patrum, qui debent in Diffinitorio admitti. Cautum proinde est, ne deinceps ad tales Paternitates ob Conciones præstitas admittantur, nisi illi, qui per duodecim integros annos in primoribus nostri Ordinis Templis, videlicet Assisatensi, Romano, Palavino, Bononienfi, Veneto, Neapolitano, Panormitano, Mediolanensi, Florentino, Ferrariensi, Taurinenfi, Cæsenaten., Ariminenfi, Urbinaten., Afulano, Pisano, ac Senensi Conciones quadragesimales (non autem annuales) magna Populorum frequentia, & eruditione habuerint.

Ad Collegiales.

Quoad Collegiales.

§. 6. Collegia Religionis juxta formam, & methodum Urban. Constitutionis ad Pristinum reducantur, itaut quolibet triennio ex convocatis Baccalauris ad examen doctiores eligantur, & juxta numerum ab eisdem Constitutionibus præfixum certis Collegiis deputentur: elapso triennio iterum ad severius examen cuncti vocentur, qui si publicas theses egregie prius sustinuerint, ac in examine non vulgaris doctrinæ specimen dederint, doctorali Laurea a Generali Ministro donentur; illi vero, qui parum profecisse inventi fuerint per aliud triennium in eodem Collegio probentur, quod si provocati iterum ad examen, post secundi triennii periodum nullam spem profectus dederint, a Collegialium albo penitus proscribantur, tamquam simplices in posterum Baccalauri habendi. Veritum tamen est, non posse Baccalauros non Sacerdotes, etiam si fuerint multarum literarum, & probatæ doctrinæ ad Collegia concurrere, & multo minus ad illa admitti. Quia vero controversiæ circa præcedentiam inter Collegiales, & Magistros denuo laureatos exortæ, plurimarum fuere causa perturbatorum, præsentî Decreto statuimus, præcedentiam semper debere attendi a die ingressus ad Collegia, itaut, qui in eodem anno ingressi sunt, inter eos præcedat, qui prius professionem emisit. Pari modo, qui per Breve Summi Pontificis laureati sunt locum cedere debent cunctis, qui eodem tempore erunt Collegiales adscripti, licet isti in fine triennii laureati fuerint.

Ad Concionatores.

Quoad Concionatores.

§. 7. Ad Concionatoris munus nemo deinceps promoveatur, qui prius in privatis claustris ingenii sui publica non ostenderit facinora, & ab examinatore deputatis per strictius, & severius examen de scientia, & moribus approbatus pariter non fuerit. Nec posse prædicationis officium exercere, quamvis à Generali Ministro patentes literas obtinuerit, nisi à suæ Provinciæ Diffinitorio acceptatus fuerit, præsentî Decreto statuimus.

Ad Patrum, & Fratrum Aggregationes.

Quoad Patrum, & Fratrum aggregationes.

§. 8. Cum adversus Urban. Constitutionem inoleverit abusus transferendi filiationis à Conventu in Conventum, firmissime decernimus, non licere deinceps nostri Ordinis Religiosis, quacumque fulgeant dignitate, renunciato proprio Conventu, ad alium se aggregare, sine expressa, & raro concedenda Ministri Generalis auctoritate.

Ad Novitios, eorumque Magistros.

§. 9. Cum à Novitiorum recta selectione, & institutione totius ædificii spiritualis in Seraphica nostra Religione mittantur fundamenta, quæ si perperam jacentur evidens ruina timenda est. Hinc Provincialibus Ministris demandatur, ut nonnisi eruditos, ac liberalibus aptos disciplinis, bonaque indolis, ac probati spiritus juvenes tyrocinio committant, quos inde solertibus Magistris instruendos in Regulari disciplina consignent. Illi autem Magistri instituantur, qui judicio, prudentia, & ingeniorum, & spirituum disquisitione, solertia valeant, qui conceditos ad regulam, & Constitutiones, maximæque mortificationis studium forment, cum ab hac una, totius Religionis spes omnium maxima, vitæque, ac interitus pendeat. Sint præterea Novitiorum Magistri (quantum fieri poterit) Seniores Provinciæ Religiosi, moribus graves, spiritu probati, pro quibus sublevandis (si opus fuerit) Vicemagister etiam instituat, ejusdem spiritus, & indolis.

Quoad Novitios, & eorum Magistros.

§. 10. Hinc cum experientia longa probatum fuerit, alterius Ordinis Religiosos, & maxime Capucinos ad nostram admittos Religionem, varia experiri Fratrum judicia, cum diversi sint unius mores, & alterius, & propterea plurimæ sint obortæ rixæ, contentiones, & tepor spiritus, decernimus, firmiterque statuimus, neminem alterius Ordinis ad nostram admitti posse Religionem, nisi prius a generali Diffinitorio per secreta suffragia, & paria acceptatum.

Quoad transmissum Capucinatorum, seu alterius Ordinis ad ipsos Conventuales.

§. 11. Sacra Congregatio Emorum S. R. Eccl. Cardinalium negotiis, & consultationibus Episcoporum, & Regularium præposita, attenta relatione Emi dicti Ordinis apud hanc Sanctam Sedem Protectoris, censuit, (si Ssmo D. N. placuerit) posse per literas Apostolicas in forma Brevis eidem Emõ Protectori committi, ut veris existentibus narratis, petitam superscriptorum Decretorum confirmationem pro suo arbitrio, & prudentia oratoribus impartiat.

Decretum S. Congregationis Episcoporum, & Regularium.

Romæ 22. Novembris 1669.

M. Cardinalis Ginnettus.

Loco ✕ Sigilli.

§. 12. Cum autem, sicut eadem expositio subjungebat, nonnulla ex Decretis quibusdam fel. rec. Alexandri Papæ VII. prædecessoris nostri literis advenferunt, licet Ordinis præfati Constitutionibus sint conformia, cupiatque propterea dictus Joannes Bernardinus eadem Decreta Apostolicæ confirmationis nostræ patrocínio communiti: Nos ipsius Joannis Bernardini Procuratoris generalis votis hac in re favorabiliter annuere volentes, eumque à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis, à jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinati, de venerabilium fratrum nostrorum S. R. E. Cardinalium negotiis, & consultationibus Episcoporum, & Regularium præpositorum, qui relationem dilecti filii nostri Giberti ejusdem S. R. E. Cardinalis Borromæi nuncupati dicti Ordinis apud nos, & Sedem Apostolicam Protectoris super præmissis considerarunt, consilio, eidem Giberto Cardinali, & Protectori per præsentem committimus, & mandamus, ut veris existentibus narratis, superscripta decreta auctoritate nostra Apostolica pro suo arbitrio, & prudentia confirmet, & approbet, illisque inviolabilis Apostolicæ firmitatis robur adjiciat, ac omnes, & singulos juris, & facti defectus, si de super quomodolibet intulerint, eadem auctoritate suppleat: salva tamen semper in præmissis

Ratio petite confirmationis.

Mandat Cardin. Protect. ut dd. Decreta auctoritate Apostolica confirmet.

Derogat con-
trariis.

auſtoritate Congregationis eorundem Cardina-
lium.

§. 13. Non obſtantibus præmiſſis, ac Conſti-
tutionibus, & ordinationibus Apoſtolicis, necnon
dicitur Ordinis, aliſque quibuſvis etiam juramento,
confirmatione Apoſtolica, vel quavis firmitate
alia roboratis, ſtatutis, & conſuetudinibus, privi-
legiis quoque indultis, & literis Apoſtolicis in
contrarium præmiſſorum quomodolibet conceſ-
ſis, confirmatis, & innovatis. Quibus omnibus,
& ſingulis, illorum tenores præſentibus pro ple-
ne, & ſufficienter expreſſis, ac de verbo ad ver-
bum inferſis habentes, illis alias in ſuo robore
permanſuris, ad præmiſſorum effectum, hac vice
dumtaxat ſpecialiter, & expreſſe derogamus,
cæteriſque contrariis quibuſcumque.

Datum Romæ apud S. Mariam Majorem ſub
Annulo Piſcatoris die 30. Auguſti 1670. Pontifi-
catus noſtri Anno primo.

I. G. Sluſus.

*Registrata in Secr. in lib. Brevium menſis Sep-
tembris par. 1. fol. 213.*

Edit. 30. Au-
guſt. 1670.

X.
Die 30. Sept.
1670. An. 1.

Ereſtio Cuſtodie S. Petri de Alcantara Minorum
Diſcalceatorum S. Franciſci in Regno Neapolit.

Nunc primū
impreſſa.

*Dilecto filio noſtro, & Apoſtolicæ Sedis in Regno
Neapolitano Nuntio.*

CLEMENS PAPA X.

*Dilecte fili Saluſem, & Apoſtolicam benedi-
ctionem.*

De reforma-
tione fratrum
Conventua-
lium, eorum-
que tranſitu
ad aliam Re-
ligionem la-
ram, vel ſtri-
ctiorem, vi-
de Conſtit.
8. & Conſtit.
32. Clem.
IX.

Apoſtolicæ ſervitutis Officium, quod inſeru-
tabilis ſapientiæ, atque clementiæ Dei ſtri-
ctudo humilitati noſtræ, meritis licet, & viribus
longe impari, committere dignata eſt, exigit, ut
paternam Religioſorum virorum divinis obſe-
quiis ſub ſuavi ætioris vitæ jugo mancipatorum,
propriæque, & alienæ ſaluti laudabiliter incum-
bentium curam gerentes, cætibz illorum ſtabi-
liendis, proſperoque, & ſælicis eorum regimini,
& gubernio peculiari charitate intendamus, ac
Paſtoralis muneri noſtri partes deſuper interpo-
namus, ſicut ad Omnipotentis Dei gloriam Re-
ligionis incrementum, & animarum ſalutem ex-
pedire in Domino arbitramur.

Exordium.

Series facti.

§. 1. Exponi ſiquidem nobis nuper fecit dile-
ctus filius nobilis vir Petrus de Aragonia Dux de
Segorbe, & Cardona Regno Neapolis Prorex,
quod alias ſel. rec. Clemens Papa IX. prædeceſſor
noſter, Conventum S. Lucie de Monte Neapoli-
tano olim Fratrum Reformatorum Ordinis Mi-
norum S. Franciſci Conventualium nuncupato-
rum, Fratribz Diſcalceatis Hiſpaniæ Provinciæ
S. Petri de Alcantara Ordinis Minorum ejuſdem
S. Franciſci de Obſervantia nuncupatorum pro
eorum habitatione, adhuc ut miſſionibus ad ſpi-
ritualem militum Hiſpanorum Neapoli degen-
tium, prout eatenus fructuoſe fecerant, operam
in poſtremo dare poſſent, conceſſit, ac Fratribz
Conventualibus Reformatis qui in eodem Con-
ventu reperiebantur, indulſit, ut inter Fratres
Diſcalceatos hujusmodi incorporari poſſent, at-
tento, quod reformationem eorundem Fratrum
Conventualium extinxerat, & id ipſum permiſit
quoque Fratribz Conventualibus Reformatis in
aliis quatuor ejuſdem inſtituti Conventibus in
Regno prædicto conſiſtentibus, nempe S. Mariæ
gratiarum de Squinzano, S. Jacobi Licien., San-
ctæ Catharinæ Graemi, & S. Joannis Baptiſtæ de
Trippalta reſpective degentibus; qui Fratres vi-
gore licentiæ hujusmodi inſtitutum prædictorum
Fratrum Diſcalceatorum amplexi ſunt, memo-
rato Conventu S. Lucie dictæ Provinciæ S. Petri
de Alcantara Hiſpaniarum incorporato reman-
ente: Et conſiderato per eundem Clementem

prædeceſſorem, quod dictus Conventus nec bene
gubernari, nec ſuſtentari poterat ſine inſtituti
ſui detrimento, ſi ſolus remaneret; viſum eſt
ipſi Clementi prædeceſſori ex eodem S. Lucie, &
aliis quatuor Conventibus prædictis inſtitui Cu-
ſtodiam per Cuſtodem Provinciæ gubernan-
dam, cum Miniſter Provinciæ dictæ Provinciæ
in Hiſpania reſidens, propter locorum diſtantiam
Cuſtodie hujusmodi curam gerere non poſſet.
Verum ſuſpenſa fuit hujus intentionis dicti Cle-
mentis prædeceſſoris inſtitutio, quia Fratres Mi-
nores Conventuales allegarunt Conventus præ-
dictos ad ſe ſpectare, quippe qui eorum expen-
ſis pro Fratribz Reformatis eorum Ordinis ædi-
ficati fuiſſent, & hujusmodi allegationis prætex-
tu, literas Apoſtolicas in ſimili forma Brevis ex-
peditas obtinuerunt, ad hoc ut excluſis Fratri-
bus Diſcalceatis, dicti Conventus eis confi-
gnarentur; ſed hæ literæ executioni mandata non
fuerunt, eo quod repertum fuit eoſdem Con-
ventus eſſe de jure patronatus fundatos ab incolis
ipſorum Oppidorum, eorumque Dominis, qui
ingreſſui dictorum Fratrum Conventualium, ac
egreſſui memoratorum Fratrum Diſcalceatorum
in eis tunc hodieque degentium minime con-
ſentiebant, & hujus Sanctæ Sedis determinatio-
nem ſuper ereſtione Cuſtodie hujusmodi expe-
ctandam eſſe cenſebant.

§. 2. Cum autem, ſicut eadem expoſitio ſub-
jungebat, prædictus Petrus Dux, & Prorex, S. Lu-
cie de Monte, & alios quatuor Conventus ſupra-
dictos in novam Cuſtodiam, quæ inſtitutum, do-
ctrinam, & cæremonias S. Petri de Alcantara
ſervare debeat, ad Dei gloriam, ac tam Hiſpa-
norum, quam aliorum Regni prædicti incolarum
ſpiritualem ædificationem, bonorumque operum
incrementum a nobis erigi, & inſtitui, ipſiusque
novæ Cuſtodie Cuſtodem, & Diſſinitores pro hac
prima vice authoritate noſtra deputari plurimum
deſideret: Nobis propterea humiliter ſupplicari
fecit, ut in præmiſſis opportune providere, & ut
infra indulgere de benignitate Apoſtolica digna-
remur.

§. 3. Nos igitur piis ejuſdem Petri Ducis, &
Proregis votis hac in re quantum cum Domino poſ-
ſumus favorabiliter annuere volentes, eumque a
quibuſvis excommunicationis, ſuſpenſionis, &
interdicti, aliſque eccleſiaſticis ſententiis, cen-
ſuris, & pœnis a jure, vel ab homine quavis oc-
caſione, vel cauſa latis, ſi quibus quomodolibet
innodatus exiſtit, ad effectum præſentium dum-
taxat conſequendum, harum ſerie abſolventes,
& abſolutum fore cenſentes, hujusmodi ſupplica-
tionibus inclinati, diſcretioni tuæ per præſentes
committimus, & mandamus, ut veris exiſtenti-
bus narratis, & auditis illis quorum intereſt, præ-
dictos quinque Conventus Fratrum Diſcalceato-
rum Provinciæ S. Petri de Alcantara Hiſpania-
rum Ordinis Fratrum Minorum S. Franciſci de
Obſervantia nuncupatorum, videlicet S. Lucie
de Monte Neapolis, S. Mariæ gratiarum de
Squinzano, S. Jacobi Licien., S. Catharinæ Grami,
& S. Joannis Baptiſtæ de Trippalta, in novam Cu-
ſtodiam ſub prænarrata Provinciæ S. Petri de Al-
cantara, quæ pro tempore exiſtentis Commiſſa-
rii generalis, vel Miniſtri generalis dicti Ordinis,
quando ex familia Ciſmontana fuerit, quemad-
modum in literis d. Clementis prædeceſſoris cir-
ca prædictum Conventum S. Lucie de Monte in
forma Brevis emanatis ordinatum reperitur,
omnimodæ juridiſtioni, viſitationi, & corre-
ctioni immediate ſubjaceat, Provinciam tamen
S. Petri de Alcantara prædictam tanquam Ma-
trem agnoſcat, itaut reciproca ſuffragiorum pro
defunctis utriuſque illorum communicatio fiat
juxta diſcretam diſtributionem pro numero per-
ſonarum faciendam; ipſaque Cuſtodia deinceps
poſt hanc primam vicem per unum Cuſtodem, &
quatuor Diſſinitores, ac Guardianos Conventum

Preces Petri
de Aragonia
Regni Neap-
olis Prore-
gis.

Quinque Co-
ventus in Re-
gno Neapoli-
ſis Fr. Diſ-
calceatorum
S. Petri de
Alcantara
mandat erigi
in Cuſtodiam
prout in
rubr.

Post hanc
primam vicem
mandat regi